

## Inatsisissatut siunnersuummut oqaaseqaatit

**Oqaaseqaatit nalinginnaasut**1. Inatsisissatut siunnersuutip tunngavia

Kalaallit Nunaanni inuussutissarsiutillit, imaani uuliasiorfinnut il.il. akitsuuteqarfiusup avataaniittunut, kisiannili Kalaallit Nunaanni imaatigut killeqarfiup iluaniittunut imaluunniit nunaviup toqqaviata iluanniittunut, nioqputissanik tunisaqarsimasut maleruagassat atuuttut naapertorlugit eqqussuinermi akitsuutinik utertitsivigineqarsinnaanngillat. Nioqputissat nunani allani umiarsualivimmiit imaani uuliasiorfinnut il.il. toqqaannartumik tunineqartut eqqussuinermi akitsuummik maanna akitsuuserneqartussaannngillat, nioqputissammi akitsuuteqarfiusumut eqqunneqarsimannngimmata. Nioqputissat akitsuuteqarfiusumut eqqunneqarsimagunik akitsuuserneqartussaapput eqqussuinermilu akitsuutaat akilerneqarsimassalluni akilerneqassalluniluunniit.

Inuussutissarsiutinik ingerlataqartut maleruagassat atuuttut malillugit umiarsuit timmisartullu, Kalaallit Nunaanni akitsuuteqarfiusumiit danskit, savalimmiormiut imaluunniit nunat allat umiarsualiviannukarlutik timmisartoqarfiannukarlutilluunniit aallartussat, nioqputissanik akitsuuteqanngitsunik taquassarsisissinnaavaat. Maleruagassat taakku aammattaaq uuliasiorfinnut il.il. akitsuuteqarfiusup avataaniittunut, kisiannili imaatigut killeqarfiup iluaniittunut imaluunniit nunaviup toqqaviata iluanniittunut taquassarsisitsinernut atuutsinneqarnissaat pissusissamisuusaaq, tassuunakkullu kalaallit suliffeqarfiutaat nunat allamiut nioqputeqartartuinut unammillernissamut periarfissagissaarnerulersillugit.

2. Inatsisissatut siunnersuutip imarisai

Siunnersuutigineqarpoq tunisassiorfiit, imaani uuliasiorfiit aamma sanaartukkat allat, matumani ilanngullugit ruujorit tamakkunungalugu sanaartukkat attuumassutillit, umiarsuit kiisalu atortut allat, imaatigut killeqarfiup iluani kiisalu Kalaallit Nunaata toqqaviata iluani aatsitasanik misissueqqaarnermut, misissuinermut piiaanermulluunniit atorineqartut, nioqputissanik akitsuuteqanngitsunik taquassarsisinneqarsinnaanerit pillugu maleruagassanik Naalakkersuisut aalajangersaasinnaanermut piginnaatinneqassasut.

Siunnersuutip kingunerissavaa umiarsuit timmisartullu nunat allat umiarsualiviannukarlutik timmisartoqarfiannukarlutilluunniit aallartussat, nioqputissanik akitsuuteqanngitsunik taquassarsisinneqarsinnaanerit pillugu maleruagassat maanna atuuttut, uuliasiorfiit il.il. nioqputissanik akitsuuteqanngitsunik taquassarsisinneqarsinnaanerannik ilaneqarnerat.

### 3. Pisortanut aningaasatigut allaffissornikkullu sunniutissai

Siunnersuutip pisortanut isertitassatigut taasarialinnik sunniuteqarnissaa naatsorsuutigineqanngilaq.

### 4. Inussutissarsiutininik ingerlataqartunut aningaasatigut allaffissornikkullu sunniutissai

Nunanit allanit pisiortorfigineqartut unammillerfigineqarsinnaalernissaannut periarfissaqaler nerup kingunerisaanik inuussutissarsiutininik ingerlataqartunut aningaasatigut annikitsuinnarmik pitsaasunilli siunnersuut sunniuteqassanganneqarpoq.

Siunnersuut inuussutissarsiutininik ingerlataqartunut allaffissornikkut sunniuteqartussaangilaq.

### 5. Avatangiisinut pinngortitamullu sunniutissai

Siunnersuut avatangiisinut pinngortitamulluunniit sunniuteqassanngilaq.

### 6. Innuttaasunut aningaasatigut allaffissornikkullu sunniutissai

Siunnersuut innuttaasunut aningaasatigut allaffissornikkullu sunniuteqassanganneqanngilaq.

### 7. Naalagaaffeqatigiinnermut aammalu Namminersorlutik Oqartussanut tunngassuteqartut

Inatsisissatut siunnersuut naalagaaffeqatigiinnermut tunngassutilinnik imaqqanngilaq.

### 8. Oqartussaasunik soqutigisaqaqatigiinnillu tusarniaaneq

Siunnersuut, massuma siulia, KANUKOKA-mut, Kalaallit Nunaanni Sulisitsisut Peqatigiiffiannut, NUSUKA-mut, Sulinermik Inuussutissarsiuteqartut Kattuffiannut, KNAPK-mut, Inuussutissarsiornermut Sulisoqarnermullu Naalackersuisoqarfimmut, Isumaginninnermut Naalackersuisoqarfimmut, Peqqinnissamut Naalackersuisoqarfimmut, Nunap iluani pissutsinut Naalackersuisoqarfimmut, Pinngortitamut Avatangiisinullu aamma Aatsitassat pillugit Pisortaqarfimmut tusarniaassutigineqarpoq.

Tusarniaanermut akissuteqarput Kalaallit Nunaanni Sulisitsisut Peqatigiiffiat, Inussutissarsiornermut Sulisoqarnermullu Naalackersuisoqarfik, Pilersuisoq, Isumaginninnermut Naalackersuisoqarfik aamma Aatsitassat pillugit Pisortaqarfik.

Tunisassiorfiit, imaani uuliasiorfiit il.il. nioqqutissanik akitsuuteqanngitsunik taquassarsisineqarsinnaaneratt pillugu siunnersuut tusarniaassutigineqarluni akissutigineqartuni tigueqarsimasuni oqaaseqaateqarfigineqarsimanngillat. Tusarniaanermi akissutini inuit viinninik imigassanillu kimittuunik eqquassinissamut akuersissuteqarfigineqarnissaannut qanoq annertugi-

sumik periarfissaqalernissaat eqqartorneqarnerupput. Naalakkersuisut aalajangiipput apeqqutip matuma ingerlateqqinneqalersinnagu imigassanut aalakoornartortalinnut politikki pillugu nassuiaat UPA 2011-mi oqaluuserineqartussa qutaqqineqassasoq.

## **Inatsisissatut siunnersuummi aalajangersakkanut ataasiakkaanut oqaaseqaatit**

### **§ 1-imut**

#### *Nr. 1-imut*

Tunisassiorfiit, imaani uuliasiorfiit aamma sanaartukkat allat, matumani ilanngullugit ruujorit tamakkunungalugu sanaartukkat attuumassutillit, umiarsuit kiisalu atortut allat, imaatigut killeqarfiup iluani kiisalu Kalaallit Nunaata toqqaviata iluani aatsitassanik misissueqqaarnermut, misissuinermit piiaanermulluunniit atorneqartut, nioqqutissanik akitsuuteqanngitsunik taquassarsisinneqarsinnaaner at pillugu maleruagassanik Naalakkersuisut aalajangersaasinnaanermik piginnaatinneqarnissaat siunnersuutigineqarpoq.

Siunnersuutip kingunerissavaa umiarsuit timmisartullu, danskit, savalimmiormiut imaluunniit nunat allat umiarsualiviannukarlutik timmisartoqarfiannukarlutilluunniit aallartussat, nioqqutissanik akitsuuteqanngitsunik taquassarsisinneqarsinnaaner at pillugu maleruagassat maanna atuuttut imaani uuliasiorfinnik il.il. Kalaallit Nunaanni imaatigut killeqarfiup iluaniittunik imaluunniit nunaviup toqqaviata iluanniittunik, kisiannili akitsuuteqarfiup avataaniittunik nioqqutissanik akitsuuteqanngitsunik taquassarsisinneqarsinnaanerannik ilaneqarnerat.

### **§ 2-mut**

Inatsisip ulloq 1. maj 2011-mi atortuulernissaa siunnersuutigineqarpoq.